

O'zbekiston Respublikasi
Xorazm viloyati
Bog'ot tumani
HOKIMI
QARORI



Ўзбекистон Республикаси
Хоразм вилояти
Боғот тумани
ХОКИМИ
ҚАРОРИ

220200 Боғот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил «20» июл

№ 172/ч

Боғот шаҳарчаси

Туманда 2021 йил ғалла ҳосилидан уруғлик ғалла етиштириш ҳуқуқига эга бўлиш учун фермер хўжаликлари ўртасида тендер танлови ўтказиш ҳақида

Ўзбекистон Республикаси Адлия вазирлигида 2008 йил 17 апрелда “Супер элита, элита ва кейинги авлодларга мансуб уруғлик ғалла етиштириш ҳуқуқига эга бўлиш учун хўжаликлар ўртасида танлов ўтказиш тартиби тўғрисида”ги 1794-сон билан рўйхатдан ўтказилган Низом талабларига мувофиқ”, Уруғчиликни ривожлантириш маркази ДУК Хоразм вилояти бошқармасининг 2020 йил 14 июлдаги 129/06-сонли хати, туман кишлоқ хўжалиги бўлимининг 2020 йил 14 июлдаги 01/02-186-сонли сўровномасини кўриб чиқиб, Ўзбекистон Республикаси “Маҳаллий давлат ҳокимияти тўғрисида” ги қонуннинг 25-моддасига асосланиб

ҚАРОР ҚИЛАМАН:

1. Уруғчиликни ривожлантириш маркази ДК Хоразм вилояти бошқармасининг 2020 йил 14 июлдаги 129/06-сонли хати, туман кишлоқ хўжалиги бўлимининг 2020 йил 14 июлдаги 01/02-186-сонли сўровномаси раҳбарлик ва ижро учун қабул қилинсин.

2. Ўзбекистон Республикаси Адлия вазирлигида 2008 йил 17 апрелда “Супер элита, элита ва кейинги авлодларга мансуб уруғлик ғалла етиштириш ҳуқуқига эга бўлиш учун хўжаликлар ўртасида танлов ўтказиш тартиби тўғрисида”ги 1794-сон билан рўйхатдан ўтказилган Низом талабларига мувофиқ туманда жорий йилнинг 15 июлидан 15 августигача тендер танлови ўтказилсин.

3. 2021 йил ҳосилидан супер элита, элита ва кейинги авлодларга мансуб уруғлик ғалла етиштириш ҳуқуқига эга бўлиш учун фермер хўжаликлари

ўртасида тендер танлови ўтказиш бўйича туман тендер комиссияси тузилсин ва таркиби иловага мувофиқ тасдиқлансин.

4. Туман тендер комиссияси ва унинг аъзоларига:

- фермер хўжаликлари томонидан тендер танловида қатнашиш учун тайёрланган барча ҳужжатлар тўлиқ бўлишини таъминлаш ва топширилган кундан рўйхатдан ўтказиш;

- танлов комиссиясига бир ой давомида “Супер элита, элита ва кейинги авлодга мансуб бўлган уруғлик ғалла етиштириш ҳуқуқига эга бўлиш учун фермер хўжаликлари ўртасида танлов ўтказиш тўғрисида”ги Низом талаблари асосида ишни ташкил этиш ва танлов натижаларини тасдиқлаш учун туман ҳокимлигига тақдим этиш вазифаси топширилсин.


5. Туман қишлоқ хўжалиги бўлими (Б.Ямғуров), туман “Агросаноат мажмуида хизмат кўрсатиш маркази” давлат унитар корхонаси (Х.Отажонов) ларга:

- супер элита, элита ва кейинги авлодларга мансуб уруғлик ғалла етиштириш ҳуқуқига эга бўлиш учун барча кўрсаткичлари бўйича юқори балларга эга бўлган фермер хўжаликларини танлаб олиш;

- супер элита, элита ва кейинги авлодларга мансуб уруғлик етиштириладиган ғалла майдонларига, ғалла навларни, тупроқ таркиби (тупроқ агрокимёвий таркиби таҳлил қилинган) ва унинг унумдорлигини, сув таъминотини ҳисобга олган ҳолда жойлаштирилишини амалга ошириш топширилсин.

6. Ушбу қарорнинг ижросини назорат қилиш туман ҳокимининг қишлоқ ва сув хўжалиги масалалари бўйича ўринбосари Э.Худайбергенов зиммасига юклатилсин.

Боғот тумани ҳокими

 О.Холбоев